



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

XXI. De compunctione cordis.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

Dimitte vana vanis : tu autem intende illis, quæ tibi præcepit Deus.

Claude super te ostium tuum, & voca ad te JESUM, dilectum tuum.

Mane cum eo in cella tua, quia non invenies alibi tantam pacem.

Si non exisses, nec quicquam de rumoribus audisses, melius in bona pace permanisses. Ex quo nova delectat aliquando audire, oportet te exinde turbationem cordis tolerare.

CAPUT XXI.

De compunctione cordis.

I. **S**I vis aliquid proficere, conserva te in timore Dei, & noli esse nimis liber : sed sub disciplina cohibe omnes sensus tuos, nec ineptæ te tradas lætitiæ.

Da te ad cordis compunctionem, & invenies devotionem.

Compunctio multa bona aperit, quæ dissolutio citò perdere consuevit.

Mirum est, quòd homo potest
unquam

unquam perfectè in hac vita lætari: qui suum exilium, & tam multa pericula animæ suæ, considerat & pensat.

2. Propter levitatem cordis, & negligentiam defectuum nostrorum, non sentimus animæ nostræ dolores: sed sæpè vanè ridemus, quando meritò flere deberemus.

Non est vera libertas, nec bona lætitia, nisi in timore Dei cum bona conscientia.

Felix, qui abjicere potest omne impedimentum distractionis, & ad unionem se recolligere sanctæ compunctionis.

Felix, qui à se abdicat, quidquid conscientiam suam maculare potest, vel gravare.

Certa viriliter, consuetudo consuetudine vincitur.

Si tu scis homines dimittere, ipsi bene te dimittent tua facta facere.

3. Non attrahas tibi res aliorum, nec te implices causis majorum.

Habeas semper oculum super te primum, & admoneas teipsum
specia-

specialiter , præ omnibus tibi dilectis.

Si non habes favorem hominum, noli exinde triftari : sed hoc fit tibi grave , quia non habes te satis bene & circumfpectè , ficut deceret Dei fervum , & devotum Religiofum converfari.

Utilius eft sæpe & fecurius , quòd homo non habeat multas confolationes in hac vita fecundùm carnem præcipuè.

Tamen quòd divinas non habemus , aut rariùs fentimus , nos in culpa fumus : quia compunctionem cordis non quærimus , nec vanas & externas omninò abjicimus.

4. Cognofce te indignum divina confolatione , fed magis dignum multa tribulatione.

Quando homo eft perfectè compunctus, tunc gravis & amarus eft ei totus mundus.

Bonus homo fufficientem invenit materiam dolendi & flendi.

Sive enim fe confiderat , five de
proxi-

proximo pensat, scit, quia nemo sine tribulatione hic vivit.

Et quantò strictiùs sese considerat, tantò ampliùs dolet.

Materiæ justî doloris & internæ compunctionis, sunt peccata & vitia nostra; quibus ita involuti jacemus, ut rarò cælestia contemplari valeamus.

5. Si frequentiùs de morte tua, quàm de longitudine vitæ cogitares, non dubium quin ferventiùs te emendares.

Si etiam futuras Inferni sive Purgatorii pœnas cordialiter perpenderes, credo quòd libenter laborem & dolorem sustineres, & nihil rigoris formidares.

Sed quia ad cor ista non transeunt, & blandimenta adhuc amamus, ideo frigidi & valde pigri remanemus.

6. Sæpe est inopia spiritûs, unde tam leviter conqueritur miserum corpus.

Ora igitur humiliter ad Dominum, ut det tibi compunctionis
spiri-

Spiritum , & die cum Propheta :
Ciba me, Domine, pane lacryma-
rum, & potum da mihi in lacrymis,
in mensura.

CAPUT XXII.

*De consideratione humana mi-
seria.*

1. **M**ISER es , ubicumque fue-
ris , & quocumque te ver-
teris nisi ad Deum te convertas.

Quid turbaris , quia non succedit
tibi , sicut vis & desideras ? Quis
est , qui habet omnia secundum
suam voluntatem ? nec ego , nec
tu , nec aliquis hominum super ter-
ram.

Nemo est in mundo sine aliqua
tribulatione vel angustia , quamvis
Rex sit, vel Papa.

Quis est , qui melius habet ?
utique qui pro Deo aliquid pati
valet.

2. Dicunt multi imbecilles & in-
firmi. Ecce, quàm bonam vitam ille
homo habet , quàm dives , quàm
magnus.